



Visoko sudsko i tužilačko vijeće Bosne i Hercegovine  
Visoko sudbeno i tužiteljsko vijeće Bosne i Hercegovine  
Високи судски и тужилачки савјет Босне и Херцеговине  
High Judicial and Prosecutorial Council of Bosnia and Herzegovina



## **VISOKO SUDSKO I TUŽILAČKO VIJEĆE BOSNE I HERCEGOVINE**

### **GODIŠNJI IZVJEŠTAJ O PROVOĐENJU PLANOVA INTEGRITETA U PRAVOSUDNIM INSTITUCIJAMA U BOSNI I HERCEGOVINI ZA 2022. GODINU**

**August 2023. godine**

## Sadržaj

2. Svrha izrade godišnjeg izvještaja o provođenju planova integriteta u pravosudnim institucijama u BiH.....	4
3. Metodologija izrade Godišnjeg izvještaja za provođenje planova integriteta u pravosudnim institucijama u 2022. godini .....	5
4. Prikaz realizacije provođenja mjera za unapređenje planova integriteta u pravosudnim institucijama Bosne i Hercegovine.....	7
4.1. Opšti prikaz realizacije mjera za unapređenje integriteta u pravosudnim institucijama u 2022. godini .....	7
4.2. Prikaz realizacije mjera za unapređenje integriteta u sudovima i tužilaštvima za 2022. godinu .....	8
4.3. Realizacija mjera za unapređenje integriteta u 2022. godini po zajedničkim i specifičnim oblastima funkcionisanja pravosudnih institucija.....	9
4.3.1. Provedba mjera po zajedničkim oblastima .....	9
4.3.2. Provedba mjera po specifičnim oblastima funkcionisanja sudova .....	12
4.3.3. Realizacija mjera po specifičnim oblastima funkcionisanja tužilaštava .....	16
4.4. Prikaz realizacije mjera za unapređenje integriteta po pojedinačnim pravosudnim institucijama u 2022. godini .....	17

# 1. Uvodne napomene

Visoko sudsko i tužilačko vijeće Bosne i Hercegovine nastavlja sa aktivnostima u sklopu vršenja nadzora provedbe planova integriteta u pravosudnim institucijama u Bosni i Hercegovini, a sve u cilju jačanja integriteta pravosuđa koji je jedan od najvećih prioriteta Bosne i Hercegovine na putu ka Evropskoj uniji. Tokom 2023. godine dostavljani su izvještaji pravosudnih institucija o provedbi planova integriteta u 2022. godini na osnovu kojih je izrađen Godišnji izvještaj o provođenju planova integriteta u pravosudnim institucijama u Bosni i Hercegovini u 2022. godini (u daljem tekstu: Godišnji izvještaj). Godišnji izvještaj za 2022. godinu predstavlja prvi izvještaj o provedbi planova integriteta u novom ciklusu provedbe planova za period 2022.- 2025. godine.

Planovi integriteta predstavljaju preventivne interne antikorupcijske mehanizme pravosudnih institucija koji se zasnivaju na rezultatima samoprocjenjivanja potencijalnog nastanka rizika u okviru pravosudnih institucija te drugih oblika nepravilnosti kao što su neetičko i neprofesionalno ponašanje. Planovi integriteta, cjelovitim i proaktivnim pristupom, te sistemskom procjenom podložnosti rizicima pravosudne institucije, otkrivaju faktore za nastanak rizika i razvoj nepravilnosti u etičkom i koruptivnom smislu, a provođenjem mjera za njihovo sprječavanje ili otklanjanje u pravosudnoj instituciji i među uposlenicima ojačava se antikoruptivno ponašanje i unapređuje integritet nosilaca pravosudnih funkcija, te samim time i pravosudnih institucija.

Planovi integriteta kao mehanizam imaju sposobnost prilagođavanja specifičnostima različitih institucija u kojima se provode dok u isto vrijeme povećavaju efikasnost rada institucija. Suština planova integriteta se ogleda u procjenjivanju stepena otpornosti institucije na koruptivno i neetičko ponašanje, identifikovanje potencijalnih rizika, odnosno rizičnih procesa i faktora za nastanak tih rizika, predlaganju mjera za sprečavanje narušavanja integriteta i unapređenje sistema rada, postupaka i pravila, te praćenju i periodičnom sumiranju i izvještavanju o postignutim rezultatima.

Usvajanjem i provođenjem planova integriteta pravosudne institucije u Bosni i Hercegovini pokazuju da su opredijeljene za najviši stepen institucionalnog integriteta i ličnog integriteta nosilaca pravosudnih funkcija, kao i svih ostalih uposlenih u pravosudnim institucijama.

Godišnji izvještaj obuhvata tri dijela, od čega je prvi dio posvećen metodološkom pristupu izrade izvještaja, a drugi dio se odnosi na statističke pokazatelje provođenja planova integriteta

pravosudnih institucija u 2022. godini. Statistika provođenja planova integriteta je prikazana zborno za sve pravosudne institucije u Bosni i Hercegovini, dok je struktura podataka o realizaciji mjera podijeljena na sudove i tužilaštva. U trećem dijelu izvještaja Vijeće je dalo Preporuke VSTV-a BiH pravosudnim institucijama za dalji proces implementacije planova integriteta. Svrha preporuka je da doprinesu efikasnijoj i kvalitetnijoj provedbi planova integriteta u pravosudnim institucijama u BiH i jačanju svijesti o prevenciji i otklanjanju problematičnih situacija koje su prepoznate u procesu provođenja planova integriteta, te imaju savjetodavnu ulogu za olakšavanje samog procesa, kako za rukovodioce, tako i za koordinate integriteta u pravosudnim institucijama.

Dobra saradnja sa pravosudnim institucijama pokazuje da su institucije, rukovodioci institucija i ostali uposlenici posvećeni unapređenju procesa jačanja integriteta, kao i radu na njegovom daljem razvoju. Kroz protok vremena, od samog uvođenja planova integriteta u pravosudne institucije do sada već pete godine njihove provedbe, prepoznat je napredak u odnosu institucija prema obavezi provedbe planova i prema njihovom značaju što je samo po sebi značajno.

U skladu sa Smjernica pravosudne institucije imaju obavezu da do 15. aprila tekuće godine dostave godišnje izvještaje o provođenju planova integriteta za prethodnu godinu, ali uzimajući u obzir da je početak novog ciklusa provedbe planova integriteta pratilo i uvođenje novog softverskog rješenja (aplikacije za izradu planova integriteta i podnošenje izvještaja o provedbi planova integriteta), aktivnosti na izradi i dostavljanju izvještaja su prolongirane i izvještaji su dostavljani tokom cijele prve polovine 2023. godine. Godišnji izvještaj se odnosi isključivo na realizaciju mjera čija je provedba planirana u 2022. godini.

Valja pomenuti i da su pred početak drugog ciklusa izrade planova integriteta usvojene i nove liste osnovnih rizika za narušavanje integriteta i mjera za unapređenje integriteta. Cilj izrade Godišnjeg izvještaja jeste utvrđivanje nivoa realizacije mjera za unapređenje integriteta te praćenje provedbe planova integriteta u pravosudnim institucijama u 2022. godini.

## 2. Svrha izrade godišnjeg izvještaja o provođenju planova integriteta u pravosudnim institucijama u BiH

Svrha godišnjeg izvještaja jeste primarno da on služi kao određena vrsta nadzora nad provođenjem planova integriteta kao internih antikorupcijskih dokumenata pravosudnih institucija. Izrada pojedinačnih godišnjih izvještaja pravosudnih institucija ima za svrhu i da osigura pravovremeno postupanje po rokovima za provedbu mjera koji su postavljeni u samom



planu integriteta, odnosno u planovima za upravljanje rizicima, kao i da osigura nadzor rukovodioca institucije nad provedbom plana integriteta uzimajući u obzir da je odgovorna osoba za provođenje plana integriteta u svakoj pravosudnoj instituciji upravo rukovodilac. Izradom godišnjeg izvještaja identifikuju se dobre prakse i izazovi po pojedinačnim pravosudnim institucijama, ali i po pojedinim zajedničkim i posebnim oblastima funkcionisanja pravosudnih institucija.

Praćenjem provedbe i efekata provedbe određenih mjera prepoznaju se i potencijalni rizici i faktori rizika koji bi mogli poslužiti u ažuriranju listi identifikovanih rizika neprofesionalnog, neetičkog i koruptivnog ponašanja u sudovima i tužilaštvima u Bosni i Hercegovini, kao i mogućih mjera za unapređenje integriteta. Dodatna svrha svih izvještaja koji se izrađuju u periodu provedbe planova integriteta je da se dođe do nalaza koji će poslužiti za uočavanje nedostataka ili potrebe izmjena osnovnih dokumenata VSTV-a BiH koji predstavljaju osnov za izradu planova integriteta. Kroz izvještavanje u prethodnim godinama tokom prvog ciklusa su identifikovani određeni nedostaci listi rizika koji su se nastojali prevazići i koji su doprinijeli kvalitetnijoj izradi nove Liste identifikovanih rizika neprofesionalnog, neetičkog i koruptivnog ponašanja u sudovima i tužilaštvima u Bosni i Hercegovini i mogućih mjera za unapređenje integriteta.

VSTV BiH prati implementaciju planova integriteta imajući u vidu da brojni međunarodni i domaći strateški dokumenti prepoznaju planove integriteta kao značajne antikorupcijske i etičke alate. Također, iskustvo sa izradom planova integriteta u prvom ciklusu je ukazalo i na potrebu pojednostavljivanja procesa izrade planova, a što je za rezultat imalo razvoj softverskog rješenja koje je stavljeno u upotrebu prilikom izrade planova integriteta drugog ciklusa.

### 3. Metodologija izrade Godišnjeg izvještaja za provođenje planova integriteta u pravosudnim institucijama u 2022. godini

Ovaj Godišnji izvještaj obuhvata podatke o realizaciji mjera čija je provedba planirana u 2022. godini, odnosno mjera sa datumski određenim rokom u periodu 01.01.2022. do 31.12.2022. godine.

Izradi Godišnjeg izvještaja se pristupilo na način da su prikupljeni i analizirani različiti podaci mjerama čija je provedba planirana u izvještajnom periodu u svim pravosudnim institucijama u Bosni i Hercegovini. Podaci su prikupljeni putem aplikacije za podnošenje izvještaja o provedbi planova integriteta na način da su pravosudne institucije samostalno izvršile procjenu statusa

provedbe mjera i ocijenile mjere realizovanim, nerealizovanim i djelimično realizovanim, te su koordinatori za te mjere unijeli podatke u aplikaciju.

Prikupljeni su i analizirani sljedeći podaci:

1. Ukupan broj svih mjera čije je provođenje predviđeno u 2022. godini, bez obzira na status realizacije (zbirno za sve pravosudne institucije i za svaku pojedinačnu instituciju);
2. Broj realizovanih mjera u svim pravosudnim institucijama (posebno mjera sa datumski određenim rokom, kao i mjera koje se po svojoj prirodi provode kontinuirano);
3. Broj djelimično realizovanih mjera u svim pravosudnim institucijama;
4. Broj nerealizovanih mjera u svim pravosudnim institucijama;
5. Broj realizovanih, djelimično realizovanih i nerealizovanih mjera po zajedničkim i specifičnim oblastima funkcionisanja pravosudnih institucija;

Za izradu Godišnjeg izvještaja za 2022. godinu izvršena je analiza dostavljenih podataka i informacija, konkretno analizirani su podaci o provedbi 2.609 mjere koje su pravosudne institucije planirale provoditi tokom 2022. godine. Prilikom izrade ovog Godišnjeg izvještaja je izvršena samo formalna provjera o provođenju mjera, odnosno prikupljeni su samo podaci o provedbi mjera bez dostavljanja konkretnih dokaza o njihovom provođenju (osim u nekoliko pojedinačnih slučajeva kada je komunicirano sa pojedinačnim pravosudnim institucijama u vezi sa provedbom neke konkretne mjere iz plana integriteta), kako je to bio slučaj prilikom izrade i ranijih godišnjih izvještaja.

Svakako je u budućnosti u nastavku procesa provedbe planova planirano po potrebi i prikupljanje konkretnijih informacija o provedbi pojedinačnih mjera. Pravosudne institucije u Bosni i Hercegovini su upoznate da VSTV BiH može u bilo kom trenutku po potrebi uputiti zahtjev za dostavljanje dokaza o provedbi određenih mjera iz plana integriteta.

U cilju olakšavanja procesa izvještavanja u budućnosti, u sklopu aktivnosti USAID-ovog projekta Pravosuđe protiv korupcije izrađene su Smjernice za praćenje implementacije planova integriteta u pravosudnim institucijama u Bosni i Hercegovini. Smjernice su predstavljene i na Stalnoj komisiji za etiku, integritet i odgovornost nosilaca pravosudnih funkcija koja je ocijenila Smjernice kao pozitivan alat za olakšavanje praćenja procesa izvještavanja, te su Smjernice razmatrane i od strane VSTV-a BiH na sjednici održanoj u julu 2023. godine kada je VSTV BiH usvojilo zaključak da se Smjernice distribuiraju svim pravosudnim institucijama uz preporuku za njihovo korištenje.

Izrada i dostava planova integriteta pravosudnih institucija je olakšana uvođenjem softverskog

rješenja kojim je također osigurana i jednostavnija izrada izvještaja o njihovoj provedbi. Unapređenje razvoja i afirmacije za lakše upravljanje kroz alat za unošenje, praćenje i kontrolu unesenih mjera olakšao je sam proces izrade plana integriteta. Samo elektronsko rješenje uprostilo je unos mjera, rizika, indikatora i drugih podataka, posebno zato što su definisani i univerzalni indikatori za provedbe mjera. Proces uvođenja aplikacije počeo je sredinom 2022. godine. Uvođenje softverskog rješenja je pratila i obuka koordinatora svih pravosudnih institucija o korištenju ovog alata, kao i kontinuirana podrška u prevazilaženju poteškoća s kojima su se pojedine institucije suočavale. Period primjene aplikacije otvorio je mnoga pitanja koja su se uglavnom odnosila na tehničku podršku vezano za unos i određivanje rokova u izvještajima ili upload-a dokumenata i td..

## 4. Prikaz realizacije provođenja mjera za unapređenje planova integriteta u pravosudnim institucijama Bosne i Hercegovine

U nastavku Godišnjeg izvještaja su prikazani statistički podaci o realizaciji planova integriteta u 2022. godini. Prikaz provedbe planova integriteta je naveden po pojedinačnim institucijama i zbirno po više različitih parametara. Prikazan je ukupan broj svih predviđenih mjera za unapređenje integriteta čije provođenje je planirano u 2022. godini u odnosu na podatke o stvarnom statusu njihove realizacije (što znači da li su mjere realizovane, nerealizovane ili djelimično realizovane). Predstavljeni su također i podaci o realizaciji mjera po zajedničkim i pojedinačno po specifičnim oblastima funkcionisanja pravosudnih institucija.

### 4.1. Opšti prikaz realizacije mjera za unapređenje integriteta u pravosudnim institucijama u 2022. godini

Ukupno predviđenih mjera u 2022. godini	U potpunosti provedene mjere	Djelimično provedene mjere	Neprovedene mjere	Postotak realizacije %
2.609	2.070	287	252	79%

*Tabela broj 1. Ukupan broj predviđenih mjera u 2022. godini u odnosu na status njihove realizacije u pravosudnim institucijama u BiH*



U tabeli broj 1. su prikazani podaci koji pokazuju da je tokom 2022. godine u sudovima i tužilaštvima u Bosni i Hercegovini planirano provođenje ukupno 2.609 mjera uključujući mjere iz svih zajedničkih i specifičnih oblasti funkcionisanja pravosudnih institucija.

Prema prikupljenim informacijama, od ukupno 2.609 planirane mjere, njih 2.070 su u potpunosti provedene ili se provode na zadovoljavajući način (ukoliko su mjere po svojoj prirodi kontinuirane) što čini ukupno 79% od svih mjera čije je provođenje planirano u 2022. godini. Ukupno 287 mjera ili 11% se djelimično realizovalo, dok 252 mjera ili 10% nije realizovano tokom 2022. godine.

## 4.2. Prikaz realizacije mjera za unapređenje integriteta u sudovima i tužilaštvima za 2022. godinu


Od ukupno 2.609 mjera predviđenih za otklanjanje rizika tokom 2022. godine, predviđeno je da 2.011 mjera bude provedeno u sudovima, dok je u tužilaštvima tokom 2022. godine planirano provođenje ukupno 598 mjera za otklanjanje rizika.

Na osnovu opštih sveobuhvatnih podataka o provedbi mjera iz planova integriteta u pravosudnim institucijama možemo zaključiti da su sudovi i tužilaštva u 2022. godini procentualno ostvarili relativno visok stepen realizacije.

Sudovi su u 2022. godini realizovali u roku ili na zadovoljavajući način 1.595 mjera (79%), dok je 201 mjera (10%) djelimično realizovana ili su se provodile na djelimično zadovoljavajući način (ukoliko se radi o mjerama koje su po svojoj prirodi kontinuirane), a nije realizovano 215 mjera (11%) za unapređenje integriteta.

Tužilaštva su u sličnom obimu realizovala predviđene mjere, od čega je 475 mjera (80%) realizovano u roku ili provođeno na zadovoljavajući način, dok je 86 mjera (14%) djelimično realizovano ili su realizovane na djelimično zadovoljavajući način, te 37 mjera (6%) nije realizovano. Realizovane mjere podrazumijevaju i mjere koje su realizovane, a koje su kao rok imale konkretan datum, kao i mjere koje su po svojoj prirodi kontinuirane, a realizovale su se na zadovoljavajući način u izvještajnom periodu.





**Grafikon 1. Prikaz realizacije mjera za unaprjeđenje integriteta u sudovima u 2022. godini u odnosu na ukupan broj predviđenih mjera, te prikaz realizacije mjera za unaprjeđenje integriteta u tužilaštvima u 2022. godini u odnosu na ukupan broj predviđenih mjera u 2022. godinu**

### 4.3. Realizacija mjera za unaprjeđenje integriteta u 2022. godini po zajedničkim i specifičnim oblastima funkcionisanja pravosudnih institucija

Analizom izvještaja o provedbi planova integriteta za 2022. godinu, utvrđeno je da se od ukupnog broja 2.609 predviđenih mjera za otklanjanje rizika u pravosudnim institucijama, njih 1.636 mjera odnosi na zajedničke oblasti funkcionisanja pravosudnih institucija, dok se 973 mjere odnose na specifične oblasti funkcionisanja pravosudnih institucija.

#### 4.3.1. Provedba mjera po zajedničkim oblastima

Prema dostavljenim izvještajima o provedbi planova integriteta za 2022. godinu, pravosudne institucije su izvijestile o predviđenim mjerama za otklanjanje rizika u zajedničkim oblastima funkcionisanja institucija koje su definisane kroz Liste rizika.


## Zajedničke oblasti u pravosudnim institucijama:

- Upravljanje dokumentacijom i predmetima;
- Etika i lični integritet;
- Upravljanje institucijom i kadrovima;
- Sigurnost institucije, uposlenih i informacija;
- Upravljanje finansijama i javnim nabavkama.

## Upravljanje dokumentacijom i predmetima

U oblasti *Upravljanje dokumentacijom i predmetima* ukupno je predviđeno 479 mjera za otklanjanje rizika, što od ukupnog broja 1.636 mjera predviđenih za otklanjanje rizika unutar svih zajedničkih oblasti čini 29%. Unutar ove oblasti realizovano je 397 mjera ( od kojih se 265 mjera kontinuirani provodi), nerealizovano je 30 i djelimično je realizovano 52 mjere.

Realizacija mjera unutar oblasti *Upravljanje dokumentacijom i predmetima*




**Grafikon 2. Realizacija mjera unutar oblasti Upravljanje dokument. i predmetima za 2022. godinu**

## Etika i lični integritet

U oblasti *Etika i lični integritet* ukupno je predviđeno 423 mjera za otklanjanje rizika, što od ukupnog broja 1.636 mjera predviđenih za otklanjanje rizika unutar svih zajedničkih oblasti, čini 26%. Unutar ove oblasti realizovano je 355 mjera ( od kojih se 232 mjera kontinuirano provodi), nerealizovano je 32 i djelimično je realizovano 36 mjera.

### Realizacija mjera unutar oblasti *Etika i lični integritet*




**Grafikon 3. Realizacija mjera unutar oblasti Etika i lični integritet za 2022. godinu**

### Upravljanje institucijom i kadrovima

U oblasti *Upravljanje institucijom i kadrovima* ukupno je predviđeno 674 mjera za otklanjanje rizika, što od ukupnog broja 1.636 mjera predviđenih za otklanjanje rizika unutar svih zajedničkih oblasti, čini 41%. Unutar ove oblasti realizovano je 567 mjera ( od kojih se 395 mjera kontinuirano provodi), nerealizovano je 44 i djelimično je realizovano 63 mjere.

### Realizacija mjera unutar oblasti *Upravljanje institucijom i kadrovima*




**Grafikon 4. Realizacija mjera unutar oblasti Upravljanje institucijom i kadrovima za 2022. godinu**

## Sigurnost institucije, uposlenih i informacija

U oblasti *Sigurnost institucije, uposlenih i informacija* ukupno je predviđeno provođenje 58 mjera za otklanjanje rizika, što od ukupnog broja predviđenih 1.636 mjera unutar svih zajedničkih oblasti čini 4%. Unutar ove oblasti realizovano je 32 mjere ( od kojih se 17 mjera kontinuirano provodi), nerealizovano je 10 i djelimično je realizovano 16 mjera.

Realizacija mjera unutar oblasti *Sigurnost institucije, uposlenih i informacija*



**Grafikon 5. Realizacija mjera unutar oblasti Sigurnost institucije, uposlenih i informacija za 2022. godinu**

## Upravljanje finansijama i javnim nabavkama

U oblasti *Upravljanje finansijama i javnim nabavkama* ukupno je predviđeno 2 mjere za otklanjanje rizika i obje su realizovane.

### 4.3.2. Provedba mjera po specifičnim oblastima funkcionisanja sudova

Prema dostavljenim izvještajima o provedbi planova integriteta za 2022. godinu, sudovi su također izvijestili o predviđenim mjerama za otklanjanje rizika u specifičnim oblastima funkcionisanja institucija koje su definisane Listom rizika.

#### Specifične oblasti funkcionisanja za sudove su:

- Krivični postupak;
- Parnični postupak;




- Izvršni postupak;
- Stečajni postupak;
- Upravni postupak;
- Sudska praksa.

U nastavku izvještaja predstavljen je statistički prikaz provedbe mjera za otklanjanje rizika iz pojedinačnih zajedničkih oblasti u odnosu na ukupan broj mjera za otklanjanje svih rizika unutar zajedničkih oblasti upravljanja pravosudnih institucija.

### Krivični postupak

U oblasti *Krivični postupak* ukupno je predviđeno provođenje 346 mjera za otklanjanje rizika, što od ukupnog broja 973 mjere predviđene za otklanjanje rizika unutar svih specifičnih oblasti, čini 35%. Unutar ove oblasti realizovano je 230 mjera (od kojih se 202 mjere kontinuirano provode), nerealizovano je 75 i djelimično je realizovano 41 mjera.

Realizacija mjera unutar oblasti *Krivični postupak*




**Grafikon 6. Prikaz realizacije mjera unutar oblasti *Krivični postupak* u sudovima za 2022. godinu**

## Parnični postupak

U oblasti *Parnični postupak* ukupno je predviđeno provođenje 171 mjera za otklanjanje rizika, što od ukupnog broja 973 mjere predviđene za otklanjanje rizika unutar svih specifičnih oblasti, čini 17%. Unutar ove oblasti realizovano je 127 mjera ( od kojih se 108 mjera kontinuirano provodi), nerealizovano je 28 i djelimično je realizovano 16 mjera.

Realizacija mjera unutar oblasti *Parnični postupak*




**Grafikon 7. Prikaz realizacije mjera unutar oblasti *Parnični postupak* u sudovima za 2022. godinu**

## Izvršni postupak

U oblasti *Izvršni postupak* ukupno je predviđeno 64 mjere za otklanjanje rizika, što od ukupnog broja 973 mjera predviđenih za otklanjanje rizika unutar svih specifičnih oblasti, čini 7%. Unutar ove oblasti realizovano je 41 mjera ( od kojih se 35 mjera kontinuirano provodi), nerealizovano je 11 i djelimično je realizovano 12 mjera.

Realizacija mjera unutar oblasti *Izvršni postupak*




**Grafikon 8. Prikaz realizacije mjera unutar oblasti *Izvršni postupak* u sudovima za 2022. godine**

## Stečajni postupak

U oblasti *Stečajni postupak* ukupno je predviđeno 32 mjere za otklanjanje rizika, što od ukupnog broja 973 mjere predviđenih za otklanjanje rizika unutar svih specifičnih oblasti, čini 3%. Unutar ove oblasti realizovano je 24 mjere (od kojih se 20 mjera kontinuirano provodi), nerealizovano je 3 i djelimično je realizovano 5 mjera.

Realizacija mjera unutar oblasti *Stečajni postupak*




**Grafikon 9. Prikaz realizacije mjera unutar oblasti *Stečajni postupak* u sudovima za 2022. godinu**

## Sudska praksa

U oblasti *Sudska praksa* ukupno je predviđeno 182 mjera za otklanjanje rizika, što od ukupnog broja 973 mjera predviđenih za otklanjanje rizika unutar svih specifičnih oblasti, čini 19%. Unutar ove oblasti realizovano je 161 mjera (od kojih se 133 mjera kontinuirano provodi), nerealizovano je 6 i djelimično je realizovano 15 mjera.

Realizacija mjera unutar oblasti *Sudska praksa*



**Grafikon 10. Prikaz realizacije mjera unutar oblasti *Sudska praksa* u sudovima za 2022. godinu**


## Upravni postupak

U oblasti *Upravni postupak* predviđena je i realizovana 1 mjera za otklanjanje rizika u jednoj pravosudnoj instituciji.

### 4.3.3. Realizacija mjera po specifičnim oblastima funkcionisanja tužilaštava

Tokom 2022. godine unutar specifične oblasti za tužilaštva, *Krivičnog postupka*, na osnovu prikupljenih informacija kroz izvještaje, planirano je provođenje 177 predviđenih mjera za otklanjanje rizika. Od ukupnog broja 177 predviđenih mjera, njih 136 ili 77% je realizovano (122 mjere se provode kontinuirano) u izvještajnom periodu. Ukupno 31 mjera je djelimično realizovana, a 10 mjera nije realizovano.

Realizacija mjera unutar oblasti *Krivični postupak* u tužilaštvima



**Grafikon 11. Prikaz realizacije mjera unutar oblasti *Krivični postupak* u tužilaštvima za 2022. god**



#### 4.4. Prikaz realizacije mjera za unapređenje integriteta po pojedinačnim pravosudnim institucijama u 2022. godini

R.b.	Pravosudna institucija	Ukupno predviđenih mjera u 2022.	U potpunosti provedene mjere	Djelomično provedene mjere	Neprovedene mjera	% realizacije	Napomena
1.	AS Brčko distrikt	12	11	1	0	92%	
2.	FT Federacije BiH	*	*	*	*	*	odluka o provođenju plana integriteta donesena u 2023. godini
3.	KS Bihać	61	53	0	8	87%	
4.	KS Goražde	38	33	5	0	87%	
5.	KS Livno	46	44	1	1	96%	
6.	KS Mostar	67	55	6	6	82%	
7.	KS Novi Travnik	31	28	3	0	91%	
8.	KS Odžak	62	39	9	14	63%	
9.	KS Sarajevo	8	6	2	0	75%	
10.	KS Široki Brijeg	12	11	0	1	92%	
11.	KS Tuzla	19	17	1	1	89%	
12.	KS Zenica	15	15	0	0	100%	
13.	KT Bihać	10	5	2	3	50%	
14.	KT Goražde	20	16	0	4	80%	
15.	KT Mostar	34	32	2	0	94%	
16.	KT Orašje	21	21	0	0	100%	
17.	KT Sarajevo	*	*	*	*	*	odluka o provođenju plana integriteta donesena u 2023. godini
18.	KT Široki Brijeg	57	54	2	1	95%	
19.	KT Travnik	51	43	7	1	84%	
20.	KT Tuzla	*	*	*	*	*	odluka o provođenju plana integriteta donesena u 2023. godini
21.	KT Zenica	42	40	2	0	95%	
22.	KT Livno	60	30	29	1	50%	
23.	OJT Banja Luka	15	13	2	0	87%	
24.	OJT Bijeljina						nije podnesen izvještaj o provođenju plana integriteta
25.	OJT Doboј	30	27	1	2	90%	
26.	OJT Istočno Sarajevo	65	44	18	3	68%	
27.	OJT Prijedor	54	28	7	19	52%	
28.	OJT Trebinje						nije podnesen izvještaj o provođenju plana integriteta
29.	OKS Banja Luka	63	40	13	10	63%	
30.	OKS Bijeljina	41	40	1	0	98%	
31.	OKS Doboј	32	32	0	0	100%	
32.	OKS I Sarajevo	*	*	*	*	*	odluka o provođenju plana integriteta donesena u 2023. godini
33.	OKS Trebinje	*	*	*	*	*	odluka o provođenju plana integriteta donesena u 2023. godini
34.	OKS Prijedor	25	18	4	3	72%	
35.	OPS Banja Luka						nije podnesen izvještaj o provođenju plana integriteta
36.	OPS Bijeljina	43	36	3	4	84%	
37.	OPS Doboј	44	37	3	4	84%	
38.	OPS Istočno Sarajevo	64	54	10	0	84%	
39.	OPS u Trebinju	*	*	*	*	*	odluka o provođenju plana integriteta donesena u 2023. godini

40.	OPS Prijedor						nije podnesen izvještaj o provođenju plana integriteta
41.	OS Banovići	40	15	25	0	38%	
42.	OS Banja Luka	70	66	1	3	94%	
43.	OS Bihać	*	*	*	*	*	odluka o provođenju plana integriteta donesena u 2023. godini
44.	OS Bijeljina	6	5	1	0	83%	
45.	OS Bosanska Krupa	5	3	1	1	60%	
46.	OS Brčko distrikt						nije podnesen izvještaj o provođenju plana integriteta
47.	OS Bugojno	8	4	1	3	50%	
48.	OS Cazin	82	68	8	6	83%	
49.	OS Čapljina	59	51	2	6	86%	
50.	OS Čitluk						nije podnesen izvještaj o provođenju plana integriteta
51.	OS Doboj						nije podnesen izvještaj o provođenju plana integriteta
52.	OS Foča	1	1	0	0	100%	
53.	OS Goražde	16	15	0	1	94%	
54.	OS Gračanica	51	49	2	0	96%	
55.	OS Gradačac	26	18	4	4	69%	
56.	OS Gradiška	43	28	1	14	65%	
57.	OS Jajce	3	3	0	0	100%	
58.	OS Kakanj	30	22	0	8	73%	
59.	OS Kalesija						nije podnesen izvještaj o provođenju plana integriteta
60.	OS Kiseljak	13	7	6	0	54%	
61.	OS Konjic	50	38	1	11	76%	
62.	OS Kotor Varoš	*	*	*	*	*	odluka o provođenju plana integriteta donesena u 2023. godini
63.	OS Kozarska Dubica	*	*	*	*	*	odluka o provođenju plana integriteta donesena u 2023. godini
64.	OS Livno	54	35	11	8	65%	
65.	OS Lukavac	40	28	5	7	70%	
66.	OS Ljubuški						nije podnesen izvještaj o provođenju plana integriteta
67.	OS Modriča	14	14	0	0	100%	
68.	OS Mostar	*	*	*	*	*	odluka o provođenju plana integriteta donesena u 2023. godini
69.	OS Mrkonjić Grad	15	13	1	1	87%	
70.	OS Novi Grad	46	39	3	4	85%	
71.	OS Orašje	19	10	3	6	53%	
72.	OS Prijedor	13	10	0	3	77%	
73.	OS Prnjavor	57	54	1	2	95%	
74.	OS Sanski Most	22	22	0	0	100%	
75.	OS Sarajevo						nije podnesen izvještaj o provođenju plana integriteta
76.	OS Sokolac	2	2	0	0	100%	
77.	OS Srebrenica	*	*	*	*	*	odluka o provođenju plana integriteta donesena u 2023. godini
78.	OS Široki Brijeg	57	56	1	0	98%	
79.	OS Teslic	42	27	6	9	64%	
80.	OS Tešanj	*	*	*	*	*	odluka o provođenju plana integriteta donesena u 2023. godini
81.	OS Travnik	40	36	2	2	90%	
82.	OS Trebinje	*	*	*	*	*	odluka o provođenju plana integriteta donesena u 2023. godini
83.	OS Tuzla	41	41	0	0	100%	
84.	OS u Derventi	53	30	5	18	57%	

85.	OS u Višegrad	78	56	3	19	72%	
86.	OS u Vlasenici						nije podnesen izvještaj o provođenju plana integriteta
87.	OS u Zavidovićima	12	12	0	0	100%	
88.	OS u Zenici	11	11	0	0	100%	
89.	OS u Zvorniku	25	0	25	0	0%	
90.	OS u Žepče	70	51	0	19	73%	
91.	OS u Živinicama	14	13	1	0	93%	
92.	OS Velika Kladuša	39	16	19	4	41%	
93.	OS Visoko	24	24	0	0	100%	
94.	RJT Republike Srpske	52	47	4	1	90%	
95.	Sud BiH	0	0	0	0	0%	
96.	Tužilaštvo BD	43	42	1	0	98%	
97.	Tužilaštvo BiH	44	33	9	2	75%	
98.	VPS u Banja Luci	16	12	0	4	75%	
99.	VS FBiH	*	*	*	*	*	odluka o provođenju plana integriteta donesena u 2023. godini
100.	VS Republike Srpske	*	*	*	*	*	odluka o provođenju plana integriteta donesena u 2023. godini
101.	OS Srebrenik	21	21	0	0	100%	
102.	OS Šamac	*	*	*	*	*	odluka o provođenju plana integriteta donesena u 2023. godini
<b>UKUPNO</b>		<b>2609</b>	<b>2070</b>	<b>287</b>	<b>252</b>	<b>79%</b>	

**Tabela 2. Ukupan broj predviđenih mjera za unapređenja integriteta i realizacije mjera po pojedinačnim pravosudnim institucijama**

Tabela broj 2. prikazuje broj ukupno predviđenih mjera za unapređenje integriteta u 2022. godini u odnosu na status realizacije po pojedinačnim pravosudnim institucijama. Iz podataka u tabeli se uočava visok trend procenta realizacije predviđenih mjera. Za ovu izvještajnu godinu je specifično što određene pravosudne institucije nisu podnijele svoj izvještaj za 2022. godinu iz razloga što su određeni izazovi prouzrokovali kašnjenja za određene institucije, kao što je uvođenje pomenutog novog informatičkog aplikativnog rješenja, tako da u ovoj fazi „tranzicije“ imamo veći broj institucija koje nisu podnijele izvještaje nego u ranijem periodu što se svakako očekuje samo u prvoj godini ovog ciklusa. Obzirom na naprijed navedeno, Godišnji izvještaj sadrži podatke za 75% pravosudnih institucija. Uvidom u statističke podatke do kojih se došlo kroz izvještaje dolazimo do zaključka da je procenat realizacije planova na nivou cijelog pravosuđa kroz sve godine prvog ciklusa provedbe planova integriteta cca 79%.



# Preporuke VSTV-a BiH pravosudnim institucijama za dalji proces implementacije planova integriteta

Na osnovu nalaza iz Godišnjeg izvještaja o provedbi planova integriteta u pravosudnim institucijama u BiH za 2022. godinu, VSTV BiH pravosudnim institucijama preporučuje:

- Da rukovodioci pravosudnih institucija kontinuirano upoznaju uposlenike o sadržaju plana integriteta sa posebnom pažnjom na blagovremeno upoznavanje predviđenih izvršilaca pojedinačnih mjera za unapređenje integriteta institucije sa obavezom njihove provedbe;
- Da koordinator integriteta na kvartalnoj osnovi izvještava rukovodioca pravosudne institucije o sadržaju mjera za unapređenje integriteta i mjerama koje bi se prema planu realizacije trebale provesti u narednom šestomjesečnom periodu.
- Da rukovodioci pravosudnih institucija kao odgovorne osobe za provedbu plana integriteta osiguraju adekvatnu saradnju i podršku svih uposlenih koordinatorima integriteta, imajući u vidu da koordinator integriteta nije zadužen da osigura provedbu mjera i da je njegovo primarno zaduženje praćenje provedbe plana integriteta;
- Da, po nalogu rukovodioca pravosudne institucije koordinator plana integriteta provodi anketu na godišnjem nivou o upoznatosti svih uposlenika sa sadržajem plana integriteta.
- Da se kontinuirano radi na edukaciji uposlenika i rukovodilaca pravosudnih institucija o značaju integriteta uposlenika čime se jača i pospješuje i svijest o značaju zaštite integriteta same pravosudne institucije;
- Da rukovodioci pravosudnih institucija upoznaju nosioce pravosudnih funkcija i uposlenike sa stepenom implementacije plana integriteta na godišnjem nivou;
- Da koordinator plana integriteta po nalogu rukovodioca pravosudne institucije šest mjeseci prije isteka roka za provedbu mjere podsjeća odgovornu osobu o predstojećem roku i pokazateljima uspjeha, kako bi pravovremeno pristupili provođenju mjere za unapređenje integriteta.
- Da se kontinuirano prate stvarni efekti mjera u svrhu efikasnog i adekvatnog godišnjeg izvještavanja VSTV-a BiH o provedbi planova integriteta.

Broj: 11-02-3-3153-1/2023

Datum: 6. septembar 2023. godine

MP

